



حركة التحرير الوطني الفلسطيني - فتح
إقليم استراليا



تمرّة رمضان

العدد الأول

عصير التمر الهندي

المكوّنات :
كوب من التمر هندي. ثمانية
أكواب من الماء. سكر حسب
الرغبة. ملعقة كبيرة من ماء
الورد.

الماء المعين

العذب والمتوفر السهل الحصول عليه
يقول تعالى في الآية رقم 30 من سورة
الملك: - بسم الله الرحمن الرحيم (فمن
يأتيكم بماءٍ معين) صدق الله العظيم

بسكوت الزعتر الأخضر :

مقادير: 5 كوب طحين + ربع ملعقة صغيرة ملح + ربع
ملعقة صغيرة كربونة + ربع كوب ماء + 1 ونصف
كوب زيت زيتون + 2 كوب زعتر اخضر مفروم
الحشوة: كوب جبنة فيتا + 2 ملعقة كبيرة زعتر اخضر
مفروم + 2 ملعقة كبيرة زيت زيتون





حركة التحرير الوطني الفلسطيني - فتح
إقليم استراليا



حكاوي
ستي

عروسة حماها

أنا اسمي ع اسمك يا ستي حليلة بس إمي بتنادي لي حلا، إنتي يا ستي إيش كانت إمك - الله يرحمها- بدلحك وإنتي زغيرة؟ أه يا تيتا أنا طول عمري العروس المزيّنة حليلة، خطبوني على قطعة الرحمة (قطع الحبل السري) ! بوقتها كانن البنات كلال ضعاف، يمتن قبل لحطابة (القدرة على جمع الحطب) ومنهن يموت قبل ما يطرش الهاملة (تطرد الحيوانات) عن المصطبة، تشتار ع نَشْلِيَة (تظهر عليها علامات البلوغ لكن لم تحيض بعد) يودعن، عشرين هيذ كان الفيد (المهر الشرعي) بيدي بمنديل للبننت ساعة ما تلد، كانن يسموها عروسة الجورة، لأنه البديوية لما تيجي بدها تلد، بتتشر بالخلا لحالها، وبتحفر حفرة وبتدلي إجريها من فوق حجرين فبقع المولود بره الحفرة، ومية الراس والوسخ (المشيمة) بالجورة، بعدها بتقوم بتغسل المولود وبطمّ الحفرة، وإذا ضل نقطة دم وحدة مش مطمومة بتيجي عتمة الملعونة (مرت إبليس) وبتلمس الصبي (مسّ جن) ويمكن تقتله، عشرين هيذ بتظل الوالدة اتشب ميه لحد ما تتأكد أن كل شغلها نظيف، وبتعاود حاطة الصبي بكوفلية أو خرقة. والمغربيات بيجين النسوان يهنوها، ولما ييجي أبوها بسموها وبزفوها، بحطوها بصينية نحاس وفوق الراس بخلوها، بدورن دوار وبالبخور والبارود والقرآن برقوها، وبمجمع الرجال بيحوا الطلابة، بقول الواحد منهم: مبارك ما جاك يا فلان، فإذا أبوها مش عاجبه محضر المبارك، برد عليه: الله يبارك فيك، وإللي عطانا يعطيك. أما إذا عاجبه المبارك، فبرد عليه بضحكة وبقوله: إجتك هدية ما وراها جزية، وهون بصير دور المبارك، إذا بده يخطب البننت وإلا لع. فإذا بدوش إياها، بقول: الهادي ما بعادي، وهاي من الله هدية إلك، وتا تكبر الله بدلنا ع نصيبيها. أما إذا بده البننت، فبقول: قبلان وعلامتها بتصله قبلان وعلامتها بتصلها قبل ما أقوم، ببعث حدن من أهله يجيب منديل عربون محبة، وإذا كان قادر بجيب لها خرزة زرقة وذهبية ماشا الله. وقدام الناس بتشهد عليه أنه كل عيد كبير بجيب إياها هدية وإنه كل هذا مع طلات عليها لما تمرض لا سمح الله، ولما يكون عند دار حماها عزيمة بتحضرها كمان. يعني دلال إياها من حماها من يومن تخلق، عشرين هيك بسموها عروسة حماها.

قالوا بِحَبِّكَ يَا
وَطَنُ .. رد
عليهم ألوطنُ ..
بِأولِ حَبِوْ
بَعْضُ !!



في واحد سألوه ايه رايك في زوجتك وحمااتك
قال: الاتنين زي الزفت
التفت لقاها وراه
قال: والتلات قرف والاربع زهق
والخميس لبطاق والجمعة والسبت
نقعد ف البيت
عشان نقابل الحلوين دول






حركة التحرير الوطني الفلسطيني - فتح
إقليم استراليا



خروفية

نجدود وأبوقرعة

كان يا مكان في قديم الزمان، بنت اسمها نجدود أبوها راعي فقير، لكنه ابن عشيرة وعزوثه اكاثر، ولما صار عاجز مرمي بالفراش، نفسه عزت عليه وصار يقول لقرايبه أنا عندي خير وما بدي مساعدة حدا، وما كان عنده اللطي، بس كان عنده بنت وحيدة اسمها نجدود، يا حسرة الراعي إللي ما عنده ولد يساعده وقت كبره، وعشرين هيك كان لازم نجدود تشتغل شغل الزلام، واتدبر مصروف البيت. كانت تصحي الصبح تحلب العنزات، وتنظف خم الجاج، تخلي إلهيا وأبوها شوي والباقي تبيعهن لدكانة إم صادق، وبعدها توخذ العنزات وتسرح فيهن لحد وذان الظهر، تعاود تحضّر أكل لأبوها وترتاح شوي، بعديها تبلش شغل بالقش تعمل صواني وسلات ومرات تشتغل بالصوف ووقات تعمل شغلات من الحليب زي الجميد والكشك، بس عمرهاش كانت تقعد مع البنات لطق الحنك. نجدود ما كنتش حلوة كثير، بس كان شعرها طويل ودايما دايرة بالها على شعرها، كانت تقول لحالها لا معي مصاري أتومر وأتغندر وأبوي مش غني تا يئنشيلني غوايش الذهب، ولا حيلتي لا ثوب ولا ريحة، فش عندي غير هالكحلة ومشط ومراية، ولما تطلع تسرح بالعنزات بتضلها تتسلي بشعراتها، وتغني لحالها ولحبيب قلبها سعود، سعود ابن عمها وهي عروسته من يوم ما إنولدت كتبوها على اسمه، وهي زي ما قالوها مرته لما يريدوها، وهو قالها رح يعملها عرس ويركبها على فرسه البيظة. بس وبنه سعود، شب وفرحان على شبابه، بحب الصيد والسبق وآخر همه النسوان، كان يقول خيليني أشوف حالي شوي وملحق على الزواج، بعديش العروسة موجودة ومهرها بالجيبية يبقى وقت ما يريد بوخذها، وقد ما هبي نفسها تتجوز وترتاح من عشية الفقر، كان سعود عايش على مهله والزواج آخر همه. ومرة من المرات كانت نجدود سارحة بالعنزات وقاعدة بتمشط شعراتها، ما شافت إلا الدنيا صارت عتمة، وهبي مكومة جوات شوال خيش، وحدا زتها فوق ظهر حصان، وصار هالحصان يرمح رماح، وهي تكسرت اتكسر وصارت تصيح بأعلى صوتها، وبعديها سوسخت وصارت مثل الشريطة. ما قامت إلا هالناس قاعدين ببخوا على وجهها مي، وحكوا حكي مش مسموع، ولما فتحت عينها شافت أربع قرعات، ولا شعرة على راسهن، بس لايسات أثواب نسوان، سألتهن هي وين وهن مين وليش وكيف وإيمتي وهن صافقات فيها، وبلشن يشدن بشعرا ويقولن والله شعر مثل شعر العززة قوي وماكن، والله ليكيكف عليك أبوقرعة. أبوقرعة شيخ الزعران وقطّاعين الطريق، كل البدو بتهايه لأنه بغزي دورهم وهو ما إله دار تنغزي دايما رحال وبنام مثل الضباع بمغارات الجبال، بس الله ذالّه بقرعته إللي شكلها بضحك بطلعلوا شعرة هون وشعرة هناك مثل الصوص الممعوط، وكمان كل خلفته قرع مثله، فقال لازم يتزوج وحده شعرها واصل لكعب إجرها، وعرف أنه نجدود بتتغطي بشعراتها. لما شاف أبوقرعة نجدود، قالها تزوجيني برضاكي، فقالت: أنا جوزي سعود إللي رح يقطع راسك، بذك توخذني غصيبة يا عيب الشوم ع زلوميتك، قالها: رح أجب سعود لهون وهو إللي رح يترجاني أتزوجك يا عزة البدو. قام أبوقرعة بعث من رجاله كم واحد يتلصصوا على سعود، وفش ليله ونهار كان سعود مربوط ومسحول عالارض مثل كوم حجار. قاله أبوقرعة بدي أتجوز نجدود وإلا بقطع راسك، قام كله سعود: إيش عاجبك فيها والله إذا ما كانت بنت عمي عمري ما جبرتها، قاله أبوقرعة: بدي يكون واحد من أولادي إله شعر، مثل شعر نجدود، رد عليه سعود: بشرط بعد ما تولد وتجب ولد تتركها ترجع لي وإلا العار بلحقتي ويلحق كل أهلي، قاله أبوقرعة: أنا موافق نادوا نجدود، ووقت نجدود وقالت: إذا هيك أمر ابن عمي لازم بضل مربوط جنب خيمتي تا ألد. راحت أيام وإجت أيام وولدت نجدود، ولد مشعراني مثلها، وفرح أبوقرعة وعزم كل الزعران، وفك الحبال عن سعود، وقاله: أنت الليلة ضيفي وبكرة بتعاود على أهلك، وبآخر الليل ووقت نجدود وهي حاملة ابنها وقالت لسعود: يا ابن عمي أمرتني وطعتك، وأبوقرعة غدرنا ولازم نسد ثارنا، خذ ابنه واشرد فيه، لا بدي يعرف إنه عايش وإلا ميت، قالها سعود: طيب بتشردي معي، قالت له: أنا بضل ألهيهم لحد ما تصير أنت بالأمان وبعديها بلحقك، قالها: رح يذبحوكي، قالت له: فداك يا خليل الروح بس خذ بثاري ولا تهنيه بابنه، وطيار هرب سعود، ولما دخل أبو قرعة على نجدود لقاها ذابحة حالها، صار يدور وين ابنه وين سعود، ولف بلاد الدنيا وصار يحكي مع حاله تامنه انجن، وصار حتى الولد الزغير يضربه.



رواية وجع بلا قرار

- المؤلف : الأسير كميل أبو حنيش
- وتقع رواية وجع بلا قرار في 180 صفحة،
يتفرد الكاتب فيها حول الحديث عن حكاية تمرد
الأسرى
في سجون الاحتلال الصهيوني حسب مراجعة
وتقديم

صدر

حديثا

فراشات فلسطين

الاسم العلمي

Cigaritis cilissa

سيغاريتيز سيليسا

